

『日本書紀』20 敏達十三年是歲条

是歲。蘇我馬子宿禰請其佛像二軀。乃遣鞍部村主司馬達等。池邊直冰田。使於四方訪覓修行者。於是唯於播磨國得僧還俗者。名高麗**惠便**。大臣乃以爲師。令度司馬達等女嶋。曰善信尼。〈年十一歲。〉又度善信尼弟子二人。其一漢人夜菩之女豐女。名曰禪藏尼。其二錦織壺之女石女。名曰惠善尼。〈壺。此云都苻。〉馬子獨依佛法。崇敬三尼。乃以三尼付冰田直與達等令供衣食。經營佛殿於宅東方。安置彌勒石像。屈請三尼大會設齋。此時達等得佛舍利於齋食上。既以舍利獻於馬子宿禰。馬子宿禰試以舍利置鐵質中。振鐵鎚打。其質與鎚悉被摧壞。而舍利不可摧毀。又投舍利於水。舍利随心所願浮沈於水。由是馬子宿禰。池邊冰田。司馬達等。深信佛法修行不懈。馬子宿禰亦於石川宅脩治佛殿。佛法之初自茲而作。